

**Ambracius** STÅL. Nov. gen.

Corpus oblongum. Caput anterius declivum. Thorax anterius medio gibbosum, parte gibbosa supra caput subproducta. Membrana bicellulata. Tarsi breves, crassiusculi. Forma thoracis tarsisque brevibus insigne genus.

1. *A. Dufouri* STÅL.

Oblongus, cinnabarinus, subnitidus, puberulus; thorace dense profunde punctato; antennis, macula magna thoracis, clavo, margine corii costali ante medium, apice appendicis nigricantibus; venis membranæ decoloris, femorum basi apiceque, tibiis fere totis tarsisque nigro-fuscis. ♀. Long.  $4\frac{1}{2}$ , Lat.  $1\frac{3}{8}$  Millim. — (Mus. Holm. et STÅL.).

2. *A. phaleratus* STÅL.

Lutescens, subnitidus, puberulus, thorace dense profunde punctato; antennis (articulo basali excepto), macula magna thoracis, clavo, parte dimidia exteriori maculaque apicali interna corii, appendice fere tota nigricantibus; membrana (macula ad apicem appendicis apiceque decoloribus exceptis), basi femorum anoque fuscis. ♀. Long.  $4\frac{1}{2}$ , Lat. 2 Millim. — (Mus. Holm.).

## SPISSIPEDES AM. et SERV.

**Phymata** LATR.1. *P. fasciata* STÅL.

Pallide flavescens vel subtetaceo-flavescens, capite supra, articulo apicali antennarum, thoracis parte dimidia postica et linea utrimque anteriore obliqua, hemelytris (fascia media utrimque dilatata pallida excepta), fascia abdominis superna inter angulos fusco-testaceis, fuscis aut nigro-fuscis. ♂. ♀. Long. ♂.  $6\frac{2}{3}$ — $7\frac{1}{2}$ , ♀.  $8\frac{1}{3}$ , Lat. ♂.  $2\frac{2}{3}$ —3, ♀.  $3\frac{1}{3}$  Millim. — (Mus. Holm. et STÅL.).

*P. erosæ* affinis, thorace utrimque multo minus profunde sinuato. Caput thoraci dimidio subæquilongum. Thorax longitudine nonnihil latior, mox ante medium plus minus profunde sinuatus, angulis lateralibus dilatato-subproductis, apice truncatis, rectis vel subsinuatis, parte antica angulorum sæpissime et plus minus acute producta. Abdomen utrimque angulato-ampliatum. Membrana sordida. Articulus antennarum apicalis præcedente  $\frac{1}{2}$  longior (♂), vel  $\frac{1}{3}$  longior (♀).

Var. thorace anterius medio fascia nigro-fusca, cum lineis vel fasciis obliquis lateralibus utrimque confluentis. (Specimen e Chili a Dom. SIGNORET sub nomine *P. carinatæ* FABR., sed vix recte, missum). (Coll. STÅL.).

2. *P. longiceps* STÅL.

Pallide testaceo-flavescens, capite elongato, thorace paullulum brevior; thorace utrimque vix dilatato, marginibus lateralibus non nisi levissime sinuatis; angulis abdominis obsolete rufescentibus. ♀. Long.  $6\frac{2}{3}$ — $7\frac{3}{8}$ , Lat. 2 Millim. — (Mus. Holm. et STÅL.).

Species solito longior et antrorsum magis angustata. Caput thorace vix  $\frac{1}{2}$  brevius, parte anteculari posteriore sublongiore. Thorax latitudini subæquilongus, angulis lateralibus vix prominentibus, inter se parallele truncatis. Membrana decolore.

3. *P. simulans* STÅL.

Pallide testaceo-flavescens, capite, thorace posterius et linea utrimque anteriore obliqua, scutello, apice corii, angulis abdominis, articulo apicali antennarum lateribusque pectoris (his obscure) fusco-testaceis; membrana decolore. ♂. Long. vix 6, Lat.  $1\frac{3}{8}$  Millim. — (Mus. STÅL.).